

LEWIS, ELLIS (fl. 1640-61), cyfieithydd

Enw: Ellis Lewis
Priod: Ellen Lewis (née Anwyl)
Rhiant: Elizabeth Fychan
Rhiant: Cadwaladr Lewis ap Howel ap John
Rhyw: Gwryw
Galwedigaeth: cyfieithydd
Maes gweithgaredd: Ysgolheictod ac leithoedd
Awdur: Robert (Bob) Owen

Ganwyd yn Llwyngwern, plwyf Llanuwchllyn, Sir Feirionnydd, mab Cadwaladr Lewis ap Howel ap John a'i wraig Elizabeth ferch Ellis Fychan, Brynllech, plwyf Llanuwchllyn. Ychydig a wyddys am Ellis Lewis ar wahân i gyfeiriadau ato ef a'i dad yn y 'Subsidy Rolls,' etc. Priododd Ellen, ferch [Robert Anwyl](#) o'r Parc, plwyf Llanfrothen, a'i wraig Catrin, merch [Syr John Owen](#), Clennau, plwyf Penmorfa. Y mae ar gael ddogfen, 16 Awst 1641, yn dangos fod gan Ellis Lewis diroedd ym mhlwyfi Llanuwchllyn a Llanycil. Yn 1661 cyhoeddwyd *Ystyriaethau Drexelius ar Dragwyddoldeb Gwedi eu cyfieithu yn gyntaf yn Saesonaeg gan Dr. R. Winterton, ac yr awrhon gan Ellis Lewis o'r Llwyn-gwern yn Sir Feirion, Wr-bonheddig* (Rhydychen, 1661).

Awdur

Robert (Bob) Owen, (1885 - 1962)

Ffynonellau

'Subsidy Rolls,' 1600 a 1630

gwybodaeth gan Mr. P. H. Lawson, Caer, yngl n â'r Anwyliaid

Dolenni Ychwanegol

Wikidata: [Q20732999](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

